

Idi arΛoojai apΛgadadΛ ismaacΛdΛ ooji Vuaana gΛaaduñi vaavoitudadami

¹ AanΛ arVuaana daidΛ gΛnoojidi aanΛ aagaitai Suusi Cristo. Suusi Cristo Λgai daidΛ gΛmaa ibΛdagai utudui. AidΛsi abiaadΛrΛ maiquiaa cΛquiva oidigi Suusi Cristo caoidacatadai tΛvaagiΛrΛ Diuusi ΛΛmadu. Dai aidasi divia Λgai tami oidigi daama nΛidi aanΛ Λgai, dai caΛcana aanΛ ñiooquidΛ, dai taata aanΛ tuucugadΛ. Dai sioorΛ maataΛ istuiga Suusi Cristo poduucai maataΛ istuiga Diuusi. ² Suusi Cristo divia ami siaaco daraajatadai aatΛmΛ cascΛdΛ gΛnaagidi aatΛmΛ sai nΛidi. Dai sivi gΛraagidi aatΛmΛ sai Suusi Cristo Λgai dai gΛrmaacai ibΛdagai utudui dai Λgai tomastuigaco oidaga. Λgai Diuusi gΛrooga ΛΛmadu oidacatadai dai gooquiΛrΛ divia tami oidi daama dai aatΛmΛ nΛidi Λgai. ³ Dai aatΛmΛ gΛnaagidi istumaasi nΛidi dai caΛ vai poduucai aapimΛ ΛpΛ gΛrΛpan duucai tΛtΛgitodagi dai vΛΛscatai Λpan duucai tΛtΛgitodagi aatΛmΛ Diuusi gΛrooga ΛΛmadu Suusi Cristo Diuusi maradΛ. ⁴ Gomaasi gΛnoojidi aanΛ masai vaamioma baiganΛlidiña.

⁵ Sivi gΛnaagidamu aatΛmΛ istumaasi Suusi Cristo gΛrmaatΛtuli sai Diuusi alia cΛΛ tuiga dai tomali Λmo imidagai maitivueeyi istumaasi soimaascami. ⁶ Ispocaitiada aatΛmΛ tasai Λpan duucai tΛtΛgitoi Diuusi dai maitivuaadagi

istumaasi arcagaducami aidΛ gia yaatagai aatΛΛ dai sΛlicadΛ soimaasi ivueeyi. ⁷ DΛmos iscagacΛΓΛ oidaca aatΛΛΛ dai cΛga ivuaadagi poduucai isduucai ivueeyi Diuusi aidΛ gia Λmo tagitoidagai viaacamu aatΛΛΛ. Dai Diuusi gΛroigΛldi garsoimaascamiga muucucai Suusi Cristo Diuusi maradΛ curusiaba.

⁸ Ispocaitiadagi aatΛΛΛ tΛsai maitarsoimaasi ivuaadami aidΛ gia garvupuiirumadai aatΛΛΛ ΛΛgi daidΛ Λryaatavogami aatΛΛΛ. ⁹ DΛmos isaagiada aatΛΛΛ Diuusi Λsoimaascami ismaacΛdΛ ivuaadagi aidΛ gia Diuusi iduuñimu aatΛΛcΛdΛ istumaasi ΛrsΛlicami. Agai gΛroigΛldamu garsoimaascamiga dai cΛgacΛΓΛ gΛrnΛijadamu ducami istomali Λmo imidagai maisoimaasi iduuñimudai aatΛΛΛ. ¹⁰ DΛmos ispocaitiadagi aatΛΛΛ tΛsai maisoimaasi ivueeyi aidΛ gia ducami ispocaitiada aatΛΛΛ isDiuusi yaatavoga dai poduucai maivaavoitudai Diuusi ñiooquidΛ.

2

¹ Giñaaduñi vaavoitudadami gΛnaagidi aanΛ gomaasi mΛsai maisoimaasi ivuaadana. DΛmos isΛmaadutai soimaasi ivuaadagi, cΛΛ maatΛ aatΛΛΛ isoidaga Λmoco ismaacΛdΛ garsoicΛi Diuusi gΛrooga vuitapi. Agai ΛrSuusi Cristo. Dai Λgai ivueeyi istumaasi ΛrsΛlicami. ² Dai Λgai vaa Λgai dai muu curusiaba vai poduucai Diuusi gΛroigΛldi aatΛΛΛ garsoimaascamiga dai vΛΛsi oidigi daama oidacami soimaascamigadΛ.

³ IsΛagiada aatΛΛΛ istumaasi aagai Diuusi ñiooquidΛΓΛ aidΛ gia cΛΛ maatΛ aatΛΛΛ

isarmaamarada Diuusi. ⁴ Damos isamaadutai pocaitiadagi sai maata Diuusi dai saida arDiuusi marada dai vaaascaara maiagiadagi istumaasi aagai Diuusi ñiooquidara agai gia alyaavatavogami dai maitarvaavoitudadami. ⁵ Baiyoma ismaacada caga agiadagi Diuusi ñiooquida agai gia oigadai Diuusi dai poduucai caa maata aatama isapan duucai tatagitoi Diuusi. ⁶ Sioora pocaitiadagi isapan duucai tatagitoi Diuusi agai gia gaaagai iscaga oidacagi poduucai isduucai oidacatai Suusi Cristo tami oidigi daama.

⁷ Giñaaduñi istumaasi ganoojidi aana maitaramo mamaatatuldiaragai utuducami. Goovai aragai vaa ismaacada caa aapima aidasi abiaadara gaaagacai gamamaatatuldi Suusi Cristo. ⁸ Damos vaaascaara ganaagidi aana amo ñiooqui ducami isaramo mamaatatuldiaragai utuducada damos vaaascaara aragai vaa ismaacada ganaagidi Suusi Cristo masai aipacoga ganoigadaiña. Suusi Cristo aliñi ganoigadai aapima dai poduucai ganoigadai aapima aipacoga. Siascada oodami aipacoga ganoigadagi aidai gia gajiaadara viimu gosomaascami dai cagacara oidacamu oodami.

⁹ Isamaadutai pocaitiadagi iscagacara oidaca dai cadadagi gaaaduñi vaavoitudadami agai quiaa soimaasi ivueeyi. ¹⁰ Damos sioora oigadagi gaaaduñi agai gia cacagacara oidaga. Dai agai maisoimaasi duiñtuldi aa. ¹¹ Damos sioora cadadagi gaaaduñi agai quiaa soimaasi ivueeyi dai maimaata isducatai caga oidacagi maimaata cacatai Diuusi ñiooquida.

12 GΛnoojidi aanΛ vΛascatai aapimΛ giñaaduñi vaavoitudadami caoigaldacai Diuusi gΛnsoimaascamiga muucuca. Suusi Cristo aapimΛ gΛnvΛΛtarΛ. 13 GΛnoojidi aanΛ vΛascatai aapimΛ cΛcΛΛli oodami maatΛcatai aapimΛ Suusi Cristo. Agai caoidacatadai maiquiaa cΛquivacai oidigi abiaadΛrΛ. GΛnoojidi aanΛ vΛascatai aapimΛ gΛgΛΛli cavaamioma istui aapimΛ isΔDiaavora.

GΛnoojidi aanΛ aapimΛ aali vaavoitudaitai aapimΛ Diuusi gΛrooga. 14 GΛnoojidi aanΛ aapimΛ cΛcΛΛliodami maatΛcatai aapimΛ Suusi Cristo. Agai caoidacatadai maiquiaa cΛquiva oidigi abiaadΛrΛ. GΛnoojidi aanΛ aapimΛ gΛgΛΛli cΛΛga vaavoitudaitai aapimΛ Diuusi ñiooquidΛ dai cavaamioma istui aapimΛ isΔDiaavora.

15 MaitavΛr oojiada isivuaadagi gosoimaascami ismaacΛdΛ oidaga tami oidi daama. Dai maitavΛr viaaca Λliada naana maasi istumaasi istumaasi oidaga tami oidi daama. IsΔmaadutai oojiada gomaasi aidΛ gia maioigΛdai Diuusi. 16 IsmaacΛdΛ maivaavoitudai Diuusi ivueeyi mui naana maasi soimaascami. Agai ivueeyi mosΛcaasi istumaasi ΛΛgi Agai ipΛlidi dai viaaca Λlidiña vΛΛsi istumaasi nΛijadagi, dai gΛgΛrducΛdΛ gΛnΛlidiña naana maasi viaacatai. VΛΛsi gomaasi ivueeyi ismaacΛdΛ maivaavoitudai Diuusi dai Diuusi maitipΛlidi ispomaasi ivuaadagi oodami. 17 Dai Λmo imidagai ugitimu vΛΛsi gomaasi dai oidigi ugitimu ΛpΛ. DΛmos sioorΛ ivuaadagi istumaasi ipΛlidi Diuusi Agai gia tomastuigaco oidacamu.

18 Giñaaduñi cayoga aayi istuigaco ugitia agai oidigi. Camaí aapimΛ isdivia agai Λmo oodami

ismaacada vuidara caataca agai Cristo. Dai caoidaga mui oodami ismaacada vuidara vata Cristo cascada caa maata aatama iscayoga aayi istuigaco ugitia agai oidigi. ¹⁹ Ismaacada vuidara vata Cristo agai gia maitargaraadufi vaavoitudadami cascada iji garsaagidaiñdara. Issallicada argaraaduficamudai aidia gia garalamadu daraacamudai agai. Damos agai iji sai vaamioma caga gamaatana isagai maitargaraadufi.

²⁰ Damos Cristo ootoi Diuusi Ibada sai ganlamadu daacana. Dai agai gansoicai masai caga maatacana istumaasi arvaavoi dai istumaasi maitarvaavoi. ²¹ Ganoojidi aana maatacatai aapima istumaasi arvaavoi. Dai istumaasi maitarvaavoi.

²² Isalamadutai pocaitiadagi sai Diuusi maiotoi Suusi sai cascada maitaraCristo agai gia yaatagi. Agai gia vuidara vata Cristo. Agai pocaiti sai Diuusi maitargaroga dai sai Suusi maitarDiuusi marada. ²³ Ispocaitiadagi oodami sai Suusi maitarDiuusi marada Diuusi garoga mailamadu daja agai. Damos ispocaitiadagi oodami sai Suusi arDiuusi marada aidia gia Diuusi lamadu daja agai.

²⁴ Cascada apiavara caga lagiada aapima Diuusi ñiooquida ismaacada caa aapima tucamidara abiaadara. Masiaapima apiacaga vaavoitudada aidia gia Diuusi garoga lamadu marada ganlamadu daraajamu. ²⁵ Dai Suusi Cristo garaagidi tasai tomastuigaco oidaca ragai aatama Diuusi lamadu.

²⁶ Aana ganoojidi gomaasi masai maatacana isoidaga oodami ismaacada ganvupuiirumadada lidi. ²⁷ Suusi Cristo ootoi Diuusi Ibada sai ganlamadu daacana, cascada maitagito

aapimΛ sioorΛ gΛnmamaatΛtuldiadagi istumaasi
 ΛrcΛΛgaducami, Λgai gΛnmamaatΛtuldi
 vΛΛsiaΛcatai cascΛΔΛ. Istumaasi gamamaatΛtuldi
 Λgai gia sΛΛlicΛΔΛ Λrvaavoi. Dai poduucai
 apiacΛΛga ΛΛgidi aapimΛ Suusi Cristo poduucai
 isduucai gΛnmaatΛtuli Diuusi IbΛadΛ.

²⁸ Giñaaduñi apiavΛr cΛΛga ΛΛgiada aapimΛ Suusi
 Cristo dai poduucai maisiaa Λradamu aapimΛ
 siΛΛscadΛ diviagi Λgai tomali maiΛbiadamu
 aapimΛ Diuusi. ²⁹ CΛΛ maatΛ aapimΛ isSuusi
 Cristo tomali Λmo imidagai maisoimaasi ivueeyi
 cascΛΔΛ cΛΛ maatΛ aapimΛ sai sioorΛ apiacΛΛgacΛrΛ
 oidacagi Λgai gia ΛrDiuusi maamaradΛ.

3

¹ SΛΛlicΛΔΛ gΛroigΛdai Diuusi gΛrooga, cascΛΔΛ
 gΛmaamara gΛraagai. Dai sΛΛlicΛΔΛ Λrvaavoi
 isΛrmaamaradΛ aatΛmΛ. DΛmos ismaacΛΔΛ
 maivaavoitudai Diuusi maimaatΛ isΛrDiuusi
 maamaradΛ aatΛmΛ. Λgai maivaavoitudai Diuusi
 cascΛΔΛ. ² Giñaaduñi sΛΛlicΛΔΛ gΛnoigΛdai aanΛ.
 Vaavuava iscasi ΛrmaamaradΛ aatΛmΛ Diuusi
 dΛmos maiquiaa cΛΛ maatΛ aatΛmΛ istuutiaca
 ragai gooquiΛrioma. DΛmos cΛΛ maatΛ aatΛmΛ
 sai siΛΛscadΛ diviagi Suusi Cristo aatΛmΛ Λpan
 tuutiaca ragai Λgai maatΛcatai istuiga Λgai.
³ VΛΛscatai ismaacΛΔΛ vaavoitudai isΛpan
 tuutiacagai Suusi Cristo gajiaadΛrΛ vipieeyi
 soimaascami cΛΛgacΛrΛ oidaca Λliditai Λpan
 duucai Suusi Cristo.

⁴ TomasioorΛ sioorΛ soimaasi ivuaadagi
 maiΛΛgidi Diuusi sΛΛlicamigadΛ. Λsoimaasi

ivuaadami vuid_ΛΛ v_{ΛΛ}Λ s_{ΛΛ}licami. ⁵ C_{ΛΛ} maat_Λ aapim_Λ isSuusi Cristo divia tami oidi daama dai muu curusiaba dai poduuc_Λi oig_Λldi _Λgai soimaascamigad_Λ oodami dai tomali _Λmo imidagai maisoimaasi ivueeyi. ⁶ Sioor_Λ c_{ΛΛ}ga _{ΛΛ}gidi Suusi Cristo maisoimaasi ivueeyi. Dai sioor_Λ apiasoimaasi ivueeyi _Λgai maimaat_Λ istuiga Suusi tomali maivaavoitudai _Λgai. ⁷ Giñaaduñi maitav_Λr g_Λndagito m_Λsg_Λn_vpuiirumadadagi. Sioor_Λ c_{ΛΛ}ga _{ΛΛ}giadagi Diuusi s_{ΛΛ}lic_Λd_Λ c_{ΛΛ}ga ivueeyi _Λpan duuc_Λi Suusi Cristo. ⁸ Dai sioor_Λ apiasoimaasi ivueeyi _Λgai ivueeyi istumaasi _ΛDiaavora ip_Λlidi ducami is_Λrmaamarad_Λcamudai _Λgai. _ΛDiaavora soimaasi ivueeyi maiquiaa c_Λquivacai oidigi abiaad_Λr_Λ. Dai Diuusi marad_Λ divia tami oidi daama dai ugilituda agai _ΛDiaavora guvucadad_Λ.

⁹ Diuusi maacai g_Λmaamara ib_Λdagai utudui dai _Λgai maisoimaasi ivueeyi. Sivi maitip_Λlidi Diuusi maamarad_Λ issoimaasi ivuaadagi Diuusi maamarad_Λcatai. ¹⁰ C_{ΛΛ}ga g_Λmaat_Λ sioor_Λ _ΛrDiuusi maamarad_Λ dai sioor_Λ _Λrmaamarad_Λ _ΛDiaavora. Tomasioor_Λ sioor_Λ maic_{ΛΛ}ga ivuaadagi dai maioig_Λadagi g_Λaduñi _Λgai gia mait_ΛrDiuusi maamarad_Λ.

¹¹ Aid_Λsi abiaad_Λr_Λ ca_Λ aapim_Λ Suusi Cristo ma-maat_Λtuldiaragad_Λ aid_Λ maí aapim_Λ sai g_Λaagai isg_Λroig_Λadagi aipacoga. ¹² Dai mait_Λaagai is_Λpan duuc_Λi ivuaada aat_Λm_Λ Caín. _ΛGai idui istumaasi ip_Λli _ΛDiaavora casc_Λd_Λ muaa g_Λsuculi. Caín maic_{ΛΛ}ga idui dai suculid_Λ c_{ΛΛ}ga idui casc_Λd_Λ vui baamu _Λgai dai muaa.

13 Giñaaduñi maitavΛr vuaam Ληliada isgΛncΛΛdada Λgai ismaacΛdΛ maivaavoitudai Suusi Cristo. 14 Camaiiimia ragai aatΛmΛ ΛDiaavora ΛΛmadu baiyoma iimia ragai aatΛmΛ Diuusi ΛΛmadu. MaatΛ aatΛmΛ gomaasi oigΛdaitai gΛraaduñi. SioorΛ maioigΛadagi gΛaaduñi imia agai ΛDiaavora ΛΛmadu. 15 TomasioorΛ sioorΛ cΛΛdadagi gΛaaduñi ducami isΛrgamuaacami. Dai cΛΛ maatΛ aapimΛ isΛmo gamuaacami maitistutuidi isimiagi Diuusi ΛΛmadu. 16 Suusi Cristo muu curusiaba aatΛmΛ garvΛΛtarΛ dai poduucai maatΛ aatΛmΛ isducatai ivueeyi sioor sΛΛlicΛdΛ oigΛdai aa. Poduucai aatΛmΛ ΛpΛ aliΛsi gΛaagai isoigΛadagi gΛraaduñi dai asta coiyagi Λgai vΛΛtarΛ isgΛaagadagi. 17 IsΛmaadutai viaacagi vΛΛsi istumaasi tΛgito dai isnΛijadagi Λgai isΛmo aduñdΛ maiviaacagi dai vΛΛscarΛ maisoigΛΛdiagi ΛgaicΛdΛ Λgai maitistutuidi ispotΛiyagi sai Diuusi soicΛi sai oigΛdaiña aa. 18 Giñaaduñi ispocaitiadagi aatΛmΛ sai oigΛdai aa dai vΛΛscarΛ maisoicΛdagi aidΛ gia maitΛrvaavoi isoigΛdai aa. Baiyoma aliΛsi gΛaagai issoicΛdagi aatΛmΛ aa poduucai gΛmaatΛ issΛΛlicΛdΛ oigΛdai aatΛmΛ.

19-20 Dai poduucai cΛΛga maatΛ aatΛmΛ isΛrDiuusi maamaradΛ. DΛmos isΛΛmo iimidagai poΛliada aatΛmΛ tΛsai maitistutuidi isΛrDiuusi maamaradΛcagi aidΛ gia aliΛsi gΛaagai istΛΛgitoda aatΛmΛ isDiuusi maatΛ vΛΛsiaacatai. Λgai vaamioma maatΛ isaatΛmΛ cascΛdΛ gΛaagai isgΛriibΛstacan tadaca dai baigΛrΛliadagi Diuusi vui. 21 Giñaaduñi aliΛsi gΛnoigΛdai aanΛ. IscΛΛ maatΛca aatΛmΛ ismaisoimaasi idui aidΛ gia

maidoadicudamu aatΛmΛ Diiusi vuitapi.
²² Dai Λgai gΛrmaaquimu vΛΛsi istumaasi taañiagi
 aatΛmΛ ΛΛgiditai aatΛmΛ sΛΛlicamigadΛ Λgai daidΛ
 ivuaadatai istumaasi ipΛlidi Λgai. ²³ Dai Λgai
 gΛraagidi tΛsai vaavoitudaiña Suusi Cristo Diiusi
 maradΛ dai tΛsai aipacoga gΛroigΛdaiña, poduucai
 isduucai Suusi Cristo gΛraagidi. ²⁴ SioorΛ
 ΛΛgiadagi Diiusi sΛΛlicamigadΛ poduucai cΛΛga
 oidaca ivuaadatai istumaasi Diiusi ipΛlidi dai
 Diiusi ΛΛmadu daja Λgai.

Dai Diiusi ootoi gΛlbΛdaga sai gΛrΛΛmadu daa-
 cana cascΛdΛ maata aatΛmΛ isDiiusi gΛrΛΛmadu
 daja.

4

¹ Giñaaduñi aliΛsi gΛnoigΛdai aanΛ. MaitavΛr
 tomasioorΛ vaavoitudada ismaacΛdΛ pocaitiadagi
 saidΛ ΛrDiiusi ñiñiooquituldiadamigadΛ. ΛpΛgavΛr
 cΛΛga gΛntΛgito caΛca sabaiga ΛrDiiusi
 ñiooquidΛ ismaacΛdΛ aagai Λgai. Oidaga mui
 mamaatΛtuldiadami yaatavogami cascΛdΛ.

² TomasioorΛ sioorΛ gaaagiadagi sai Suusi Cristo
 Diiusi maradΛ oodami duucai vuusai tami oidi
 daama Λgai gia gaaagidi Diiusi ñiooquidΛ dai
 Diiusi lbΛadΛ ΛΛmadu daja Λgai. ³ DΛmos sioorΛ
 maigamamaatΛtuldiadagi gomaasi maigaaagidi
 istumaasi Diiusi ipΛlidi, baiyoma Λgai vuidΛrΛ
 vΛΛtΛ ΛCristo. Camaí aapimΛ isvaamioma
 muidaimi ΛmamaatΛtuldiadami yaatavogami
 vΛΛsi oidi daama.

⁴ Giñaaduñi aapimΛ ΛrDiiusi maamaradΛ. Dai
 aapimΛ vaamioma istui isΛmamaatΛtuldiadami

yaatavogami. Diuusi IbΛadΛ ismaacΛdΛ gΛnΛΛmadu daja vaamioma viaa guvucadagai siΛDiaavora ismaacΛdΛ ΛmamaatΛtuldiadami yaatavogami ΛΛmadu daja cascΛdΛ. ⁵ Λgai ΛΛmadu ajiopai Λgai ismaacΛdΛ maivaavoitudai Suusi Cristo dai gaaagidi naana maasi istumaasi soimaascami ismaacΛdΛ ivueeyi Λmaivaavoitudadami dai Λgai baigΛnΛliaracΛdΛ caΛcana. ⁶ DΛmos aatΛmΛ ΛrDiuusi maamaradΛ. SioorΛ maatΛ Diuusi gΛntΛgito caΛcana istumaasi aagiadagi aatΛmΛ. DΛmos sioorΛ maimaatΛ Diuusi maitantΛgito caΛcana. CascΛdΛ poduucai cΛΛga gΛmaatΛ sioorΛ aagai Diuusi ñiooquidΛ dai sioorΛ mosyaatagi.

⁷ Giñaaduñi aliΛsi gΛnoigΛdai aanΛ dai ipΛlidi aanΛ isaipacoga gΛnoigΛadagi aapimΛ ΛpΛ. Diuusi Λgai dai garsoicΛi tasai aipacoga gΛroigΛdaiña. Dai sioorΛ sΛΛlicΛdΛ oigΛadagi gΛaaduñi Λgai gia maatΛ Diuusi daidΛ ΛrDiuusi maamaradΛ. ⁸ SioorΛ maioigΛadagi aa Λgai gia maimaatΛ Diuusi. Diuusi Λgai dai oigΛdai vΛΛsi oodami oidi daama oidacami. ⁹ Diuusi gΛrmaatΛtuli isgΛroigΛdai ootosacai gΛmara tami oidi daama tomasi aliΛ Λmaduga, tasai poduucai viaacana aatΛmΛ ibΛdaga utudui muucucai Λgai. ¹⁰ Diuusi oigΛdai vΛΛsi oodami oidigi daama oidacami tomasi maicΛΛga oigΛdai aatΛmΛ Diuusi, Λgai sΛΛlicΛdΛ gΛroigΛdai ootosacai gΛmara sai muucuna curusiaba dai poduucai oigΛldiana garsoimaascamiga.

¹¹ Giñaaduñi aliΛsi gΛnoigΛdai aanΛ. Dai maatΛcatai vΛΛscatai aatΛmΛ siΛΛsi gΛroigΛdai Diuusi aatΛmΛ ΛpΛ gΛaagai isaipacoga

gároigadagi. ¹² Tomasi tomali amaadutai mainaidi Diuusi vaascara issallicada aipacoga gároigadagi aidá gia Diuusi garalamadu daja dai vaamioma caga oigadai aatama Diuusi. ¹³ Dai Diuusi ootoi gaibadaga sai garalamadu daacana sai poduucái maatcana aatama isDiuusi garalamadu daja. ¹⁴ Aatama gia taa Diuusi marada dai cascada gnaagidi aatama isDiuusi garooga ootoi gamara tami oidi daama sai agai cagacara vuvaidana oodami. ¹⁵ Tomasioora sioora pocaitiadági sai vaavoitudai isSuusi arDiuusi marada aidá gia Diuusi lamadu daja agai.

¹⁶ Caa maata aatama isDiuusi gároigadai dai sallicada vaavoitudai isDiuusi oigadai vasi oodami oidi daama oidacami. Isaipacoga ganoigadagi oodami aidá gia Diuusi lamadu daja agai. ¹⁷ Dai poduucái vaamioma caga oigadai aatama Diuusi dai silascada Diuusi naidagi oodami ismaacada arcaga ivuaadami dai ismaacada armaicaga ivuaadami aatama maiabiadamu Diuusi maamaradacatai agai poduucái isduucái Suusi Cristo maiabiada Diuusi. ¹⁸ Tomasioora sioora caga oigadagi Diuusi agai maiabaidi isDiuusi soimaasi taatatuldiagi. Dai sioora abiadagi Diuusi caga gamaata ismaiquiaa caga oigadai.

¹⁹ Aquioma abiaadara gároigadai Diuusi cascada aatama lapa oigadai. ²⁰ Isamaadutai pocaitiadági sai oigadai Diuusi dai cadadagi gaaaduñi agai gia yaatagai. Isamaadutai maitistutuidi isoigadagi gaaaduñi ismaacada naidi tomali maitistutuidi isoigadagi Diuusi

ismaacʌdʌ mainʌidi. ²¹ Diiusi gʌraagidi sai sioorʌ oigʌadagi Diiusi sai gʌaagai isoigʌadagi gʌaaduñi ʌʌpʌ.

5

¹ Tomasioorʌ sioorʌ vaavoitudai isSuusi ʌrʌCristo ismaacʌdʌ Diiusi ootoi tami oidigi daama ʌgai gia ʌrDiiusi maamaradʌ. Tomasioorʌ sioorʌ oigʌdai Diiusi gʌrooga ʌgai gia oigʌdai vʌʌsi vaavoitudadami ʌgai ʌrDiiusi maamaradʌ cascʌdʌ. ² Tomasioorʌ sioorʌ oigʌadagi Diiusi dai ʌʌgiadagi poduucai gʌmaatʌ isʌgai oigʌdai Diiusi maamaradʌ ʌʌpʌ. ³ Sioorʌ oigʌdai Diiusi ʌgai gia ʌʌgidi Diiusi dai gomaasi gia maisijaiga ⁴ vaavoitudadami vʌʌtarʌ, ʌgai gajiaadʌrʌ vipieeyi ʌsoimaascami ismaacʌdʌ oidaga tami oidigi daama cascʌdʌ. ʌvaavoitudadami cʌʌga istutuidi isgajiaadʌrʌ vipiaadagi ʌsoimaascami vaavoitudaitai Suusi Cristo. ⁵ Mosʌcaasi sioorʌ vaavoitudai isSuusi ʌrDiiusi maradʌ istutuidi isgajiaadʌrʌ vipiaadagi ʌsoimaascami.

⁶⁻⁸ Dai cʌʌ maatʌ aatʌmʌ sioorʌ ʌrSuusi Cristo. Aidʌsi Suusi gʌvacoi Diiusi ñioo tʌvaagiaiñdʌrʌ dai pocaiti saidʌ ʌrmaradʌ dai gooquiʌrʌ aidʌsi camuuqui agaitadai Suusi Cristo Diiusi ʌpamu ñioo tʌvaagiaiñdʌrʌ. Dai Diiusi Ibʌadʌ gʌrmaatʌtuldi ʌgai vaa ñiooqui dai ʌgai tomali ʌmo imidagai maiyaatagai. Dai poduucai vaica padʌrʌ maatʌ aatʌmʌ isSuusi ʌrDiiusi maradʌ. Diiusi Ibʌadʌ gʌrʌʌmadu daja, dai Diiusi ñioo tʌvaagiaiñdʌrʌ aidʌsi Suusi gʌvacoi, dai ʌʌpʌpʌ aidʌsi camuuqui agaitadai Suusi. Dai vʌʌ vaica

padarΛ maata aatΛma isSuusi Cristo arDiuusi marada. ⁹ SiΛΛscada arnΛijadamicagi oodami Λmo istumaasi vΛascara vaavoitudaiña aatΛma cascada vaamioma cΛga vaavoitudai aatΛma istumaasi aagai Diuusi. Dai Diuusi pocaiti sai Suusi armarada. ¹⁰ Sioora vaavoitudai gomaasi cΛga maata isarvaavoi. Sioora maivaavoitudai gomaasi Λgai yaatavogami duucai nΛidi Diuusi maivaavoitudaitai istumaasi aagai Diuusi aagaitai gamarΛ. ¹¹ Diuusi aagai ΛpΛ sai Λgai garmaacai ibadagai utudui dai poduucai tomas-tuigaco oidacamu aatΛma Λgai Λmadu vaavoitudaitai aatΛma marada. ¹² Sioora vaavoitudai Diuusi marada viaa ibadagai utudui dΛmos sioora maivaavoitudai Diuusi marada maiviaa ibadagai utudui.

¹³ Gomaasi gΛnoojidi aanΛ aapima ismaacada vaavoitudai Diuusi marada masai maatacana masitomastuigaco oidaca agai Diuusi Λmadu.

¹⁴ CΛ maata aatΛma sai istaania aatΛma Diuusi Λmo istumaasi istumaasi Λgai ipΛliadagi Λgai gia garΛΛgiditai caΛ. ¹⁵ Poduucai isduucai maata aatΛma isDiuusi garΛΛgiditai caΛ poduucai ΛpΛ maata aatΛma isΛgai garmaaquimu istumaasi taañiagi aatΛma.

¹⁶ IsΛmo vaavoitudadami nΛijadagi Λmaadutai glaaduñi isivuaadagi Λmo istumaasi soimaascami istumaasi Diuusi gia istutuidi isoigΛldiagi aidΛ gia glaagai isdaanΛdagi Diuusi Λgai vΛΛtarΛ dai Diuusi oigΛldamu Λgai dai maaquimu guvucadagai sai cΛga ivuaadana isgomaasi istumaasi idui Λgai

Diuusi istutuidi isoigaldagi. Oidaga ammo istumaasi soimaascami istumaasi maitaogaldi Diuusi maitaagidi aan sai gaagai isdaandagi Diuusi agai vaatar ismaacada ivuaadagi asoimaascami.

¹⁷ Sioora maitivuaadagi istumaasi arcagaducami agai soimaasi ivueeyi. Damos oidaga soimaascami istumaasi Diuusi gia gaoigaldi.

¹⁸ Maata aatama sai sioora arDiuusi marad camaiojada gosomaasi. Diuusi marad nuucadacana agai cascada daida Diaavora camaitistutuidi issoimaasi iduiftuldiadagi.

¹⁹ Caa maata aatama isaatama armaamarada Diuusi dai vascatai ismaacada maivaavoitudai Suusi Cristo, Diaavora artaandamigada agai.

²⁰ Caa maata aatama apa iscadivia Diuusi marad dai garsoicai tsaicaga maatacana sioora sallyada arDiuusi. Dai sivi Diuusi garamadu daja vaavoitudaitai aatama Suusi Cristo Diuusi marad. Agai sallyada arDiuusi dai agai garvaidacaimu tavaagiamu tsaic tumastuigaco oidacana agai amadu.

²¹ Giñaduñi maitavar siaa duutuuda aapima momoono ismaacada ivueeyi oodami dai pocaiti said ardiuusi.

Moscaasi.

Diusi ñiooquidΛ utuducami oodamicΛdΛ
New Testament in Tepehuan, Northern
(MX:ntp:Tepehuan, Northern)

copyright © 1981 Wycliffe Bible Translators, Inc.

Language: Tepehuan, Northern

Translation by: Wycliffe Bible Translators, Inc.

Tepehuán del Norte [ntp], Mexico

Copyright Information

© 1981, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tepehuan, Northern

© 1981, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

1cd37655-9109-5b5b-ab5d-6e755e5aa421